



Broj : 10/E-11- <sup>933</sup> /25  
Sarajevo: 13-07-2025 godine

Na osnovu člana 10c. stav (5) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), a u skladu sa zahtjevom Kabineta općinskog načelnika od 07.02.2025. godine, Opštinski načelnik d o n o s i :

## **O D L U K U**

### **o izuzeću od primjene Zakona o javnim nabavkama**

#### **Član 1.**

Od primjene Zakona o javnim nabavkama izuzimaju se usluge procjene teške bolesti, a koje se mogu nabaviti od Instituta za medicinsko vještačenje zdravstvenog stanja, u skladu sa propisima koji uređuju predmetnu oblast.

#### **Član 2.**

Procijenjena vrijednost usluga iz člana (1) ove Odluke bez PDV-a iznosi 5.000,00 KM, a sredstva su planirana u Budžetu Općine Centar Sarajevo za 2025. godinu, na budžetskom kontu: 613991-4. JRJN: 80500000-9 Usluge u vezi s naknadama.

#### **Član 3.**

Pravni osnov za izuzeće od primjene odredaba Zakona o javnim nabavkama su odredbe Uredbe o naknadama koje nemaju karakter plaće („Službene novine Kantona Sarajevo“, broj 17/19 i 52/23).

#### **Član 4.**

Nadležna služba, Kabinet općinskog načelnika, obezbijedit će dokaze o realizovanim uslugama, na osnovu ugovora koji bude zaključen sa Institutom za medicinsko vještačenje zdravstvenog stanja, za čije izvršenje i praćenje će biti zadužen Kabinet općinskog načelnika.

#### **Član 5.**

Ova Odluka odluka stupa na snagu danom donošenja, i ista će biti objavljena na web stranici Općine Centar Sarajevo.

## **O b r a z l o ž e n j e**

Na osnovu zahtjeva Kabineta općinskog načelnika od 07.02.2025. godine u vezi donošenja odluke o izuzeću usluga procjene teških bolesti, a koje se mogu nabaviti od Instituta za medicinsko vještačenje zdravstvenog stanja, u skladu sa propisima koji uređuju predmetnu oblast, Kabinet općinskog načelnika – Odsjek za javne nabavke predlaže donošenje iste.

U obrazložnju zahtjeva Kabinet općinskog načelnika navodi se da je shodno pozitivnim zakonskim odredbama koje regulišu isplatu jednokratne novčane pomoći državnim službenicima i namještenicima u slučaju bolesti, Općina Centar Sarajevo, u skladu sa Uredbom o naknadama koje nemaju karakter plaća („Službene novine Kantona Sarajevo, broj 17/19 i 52/23), zaključila ugovor sa Institutom za medicinsko vještačenje zdravstvenog stanja (zakonska obaveza). Predmet ugovora je pružanje usluga davanja stručnog mišljenja na medicinsku dokumentaciju za uposlenike Općine Centar Sarajevo.

Predmetni ugovor bio je važeći do 31.12.2024. godine. Kako bi u 2025. godini bilo moguće rješavati o naknadama i drugim materijalnim pravima, u slučaju nastanka povrede na radu, teške invalidnosti ili teške bolesti državnog službenika i namještenika, ili člana njegove uže porodice, a uzevši u obzir da prema Uredbi o naknadama koje nemaju karakter plaća („Službene novine Kantona Sarajevo, broj 17/19 i 52/23) nalaz, ocjene i mišljenje daje JU „Institut za medicinsko vještačenje zdravstvenog stanja“, potrebno je donijeti odluku o izuzeću.

Nakon što je Kabinet općinskog načelnika – Odsjek za javne nabavke izvršio provjeru svih navoda iz dostavljenog zahtjeva, utvrđeno je da se navedene usluge izuzimaju od primjene odredbi Zakona o javnim nabavkama, u skladu sa članom 10c. stav (5) Zakona o javnim nabavkama.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;
- b) ta saradnja uspostavljena isključivo na osnovu potreba vezanih uz javni interes;
- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.

Predmetne usluge se mogu dobiti od Instituta za medicinsko vještačenje zdravstvenog stanja, te je konstatovano da je Institut za medicinsko vještačenje zdravstvenog stanja, pravno lice - ugovorni organ, osnovano od strane entitetskog nivoa vlasti, da se između ugovornih organa ostvaruje saradnja s ciljem osiguravanja javne usluge kojima se ostvaruju njihovi zajednički ciljevi, da je saradnja uspostavljena isključivo na osnovu potreba vezanih uz javni interes, te da ugovorni organi ostvaraju na otvorenom tržištu manje od 20% djelatnosti na koje se odnosi saradnja.

Naime, članom 3. Uredbe o naknadama koje nemaju karakter plaće („Službene novine Kantona Sarajevo, broj 17/19 i 52/23) jasno je definisano pravo naknada za slučaj povrede na radu, teške invalidnosti ili teške bolesti, te se bolest, odnosno tjelesna povreda dokazuje na osnovu nalaza, ocjene i mišljenja Instituta za medicinsko vještačenje zdravstvenog stanja.

U skladu sa članom 18. stav (1) i (2), a u vezi sa članom 10c. stav (5), kojim su propisana izuzeća od primjene odredbi ovog zakona, utvrđeno je da su ispunjene pretpostavke za donošenje predmetne odluke.

Za praćenje i realizaciju navedene usluge zadužen je Kabinet općinskog načelnika.

Analizirajući predmetni zahtjev, nadležna Služba za finansije utvrdila je da su ispunjene pretpostavke za realizaciju navedenih usluga, odnosno da su finansijska sredstva za ove namjene obezbijeđena u Budžetu Općine Centar za 2024. godinu, na budžetskom kontu: 613991-4.

Shodno zakonu i općim aktima Općine, Opštinskom načelniku dostavlja se prijedlog Odluke izuzeću od primjene Zakona o javnim nabavkama.

Cijeneći prethodno navedeno donesena je Odluka kao u dispozitivu.



**Dostaviti:**

1. Kabinetu općinskog načelnika
2. Kabinetu općinskog načelnika – Odsjeku za javne nabavke
3. Službi za finansije
4. Evidenciji